



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 408
fax. +387 33 726 423
e – mail: info@voda.ba

Broj: **UP-1/21-1-40-412-2/25**

Datum: **03.10.2025. godine**

«Agencija za vodno područje rijeke Save» Sarajevo rješavajući po zahtjevu podnesenom od strane fizičkog lica Amir Bećirović iz Brijesnice Velike, općina Doboj Istok, za donošenje Rješenja o prethodnoj vodnoj saglasnosti za aktivnost ispuštanja otpadnih voda sa lokacije stambeno-poslovnog objekta, koji se planira graditi u naselju Brijesnica Velika, općina Doboj Istok, na osnovu člana 109. stav (1), Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

ZAKLJUČAK

1. Odbacuje se zahtjev podnesen od strane fizičkog lica Amir Bećirović iz Brijesnice Velike za donošenje Rješenja o prethodnoj vodnoj saglasnosti za aktivnost ispuštanja otpadnih voda sa lokacije stambeno–poslovnog objekta (osnovna namjena stomatološka ordinacija), koji se planira graditi na zemljištu označenom kao k.č. 1854/2 K.O. Velika Brijesnica, jer na osnovu činjenica utvrđenih u toku vođenja postupka nema uslova za vođenje upravnog postupka od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, što uključuje i odgovarajući vodni akt kantonalnog ministarstva nadležnog za vode, a sve u skladu sa važećim zakonskim propisima, odlukama, uredbama i dr.

Obrazloženje

Fizičko lice, Amir Bećirović iz Brijesnice Velike, općina Doboj Istok, je dostavilo zahtjev ovoj Agenciji za donošenje rješenja o prethodnoj vodnoj saglasnosti za aktivnost ispuštanja otpadnih voda sa lokacije stambeno–poslovnog objekta (osnovna namjena stomatološka ordinacija), koji se planira graditi na zemljištu označenom kao k.č. 1854/2 K.O. Velika Brijesnica, općina Doboj Istok, a u postupku izdavanja urbanističke saglasnosti.

Uz zahtjev je dostavljena slijedeća dokumentacija:

- Ovjerena kopija lične karte;
- Mišljenje o usklađenosti planiranih aktivnosti sa dokumentima prostornog uređenja, broj: UP-I-05-19-320/25 od 22.09.2025. godine od strane Službe za prostorno uređenje Općine Doboj Istok;
- Ovjerena kopija katastarskog plana R1:2500, za parcelu k.č. 1854/2 K.O. Velika Brijesnica, od 30.07.2025. godine;
- Ovjerena kopija Zemljišnoknjižnog uložka broj: 2340, za k.č. 1854/2 K.O. Velika Brijesnica, od 01.07.2025. godine;
- Potvrda data od strane JKP „ČISTO“ d.o.o. Doboj Istok, broj: 01-01-1454/25 od 12.09.2025. godine da će se predmetni objekat priključiti na gradski vodovod;
- Studija za izdavanje prethodne vodne saglasnosti za izgradnju poslovnog objekta – stomatološka ordinacija, Velika Brijesnica, urađen od strane TALWEG d.o.o. Tuzla;
- Dokaz o uplati upravne pristojbe u iznosu 80,00 KM (uplatnica);

Na osnovu uvida u raspoloživu dokumentaciju utvrđeno je slijedeće:

- Predmetni objekat se planira graditi na zemljištu označenom kao k.č. broj k.č. 1854/2 K.O. Velika Brijesnica.

- Prema dostavljenoj informaciji od strane Službe za prostorno uređenje općine Doboj Istok, broj: UP-I-05-19-320/25 od 22.09.2025. godine, o usklađenosti planiranih aktivnosti sa dokumentima prostornog uređenja, utvrđeno je da je planirani zahvat u skladu sa važećim dokumentima prostornog uređenja.
- Prema dostavljenoj Studiji, konstatovano je da se predmetna zemljišna čestica ne nalazi u zonama sanitarne zaštite izvorišta vode za piće, niti u blizini vodotoka koji bi mogli biti pod uticajem predmetne aktivnosti;
- Na predmetnom lokalitetu neće biti produkcije tehnoloških otpadnih voda kao rezultata tehnološkog postupka, kao ni oborinskih onečišćenih voda, kako je to utvrđeno odredbama člana 3. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20 i 1/24), odnosno nema ispuštanja otpadnih voda u smislu odredbi članom 109. stav (1) Zakona o vodama.

Na osnovu prednjeg i provedenog postupka, a shodno odredbama člana 109. stav (1), a u vezi sa članom 111. Zakona o vodama, utvrđeno je da se na predmetnoj parceli neće producirati tehnološke otpadne vode, te je riješeno kao u dispozitivu zaključka.

Iz razloga naprijed navedenih, a u skladu s članom 109. stav (2) i 111. Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Aida Bezdob, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo
Nihad Pezo, dipl.inž.građ.

Dostaviti:

- Amir Bećirović, Bare broj 46a, 74206 Brijesnica Velika, Općina Doboj Istok
- ⊖ AVP Sava, ISV – Vodna knjiga
- Sektor 40, arhiva
- Oglasna ploča AVP Sava